

7

COMMENTARIUS
LITTERALIS,
PANEGYRICUS,
MORALIS,
IN CAPVT VIGESIMUMQVARTVM
LIBRI
ECCLESIASTICI,

SEV

CONCEPTVS PRÆDICABILES

De Christo ejusque Matre Deipara, & ejusdem
Sponsa Ecclesia Catholica sacrisque in
ea Religionibus,


Cum Indicibus, Locorum Sacrae Scripturae, Rerum, & Verborum,
& ad Conciones copiosissimis,

AUCTORE

R. P. ILDEPHONSO DE FLORES

E Societate IESV Theologo,

Et in Bætica Provincia Theologiae Positivæ Interpres, Concionatorq̃.



ANTVERPIÆ,

Apud Viduam & Hæredes IOANNIS CNOBBARI. M. DC. LXI.

Cum Gratia & Privilegio.

pietissimaque prædicatione sermonem esse, sub multarum aquarum nomine; magni sonitus, & strepitus metaphorâ, multi arbitrantur. Apostoli enim, virique Apostolici, in quibus sese Deus mirabilem exhibet, divinâ pleni sapientiâ, ac Dei testimoniis valdè credibilibus abundè instructi, voces prædicationis suas levaverunt, tanquam fluctus, & voces aquarum multarum. Vel juxta Chaldæi translationem clariùs: *Levaverunt flumina laudem coram Deo: levaverunt flumina vocem suam in Cantico: recipient flumina premium laudum suarum.* Sed quorsum, dicas, voces hujusmodi sapientiæ plenissimæ, & quinquaversus resonantes? Continenter ostendit Vates ipse: *Domum tuam decet sanctitudo in longitudine dierum.* Pagninus, & Arias legunt: *Domui tuæ decora est sanctitas.* Pro *sanctitas* est Hebraicè *Kodes*, id est, *munditia, puritas*, ut constat ex Lxx. ad Isaïam c. 65. 5. Numer. 5. 17. Immunitatem Deiparæ hîc agnoscas, originariam ejus munditiam, puritatem, sanctitatem, ut infra probo ex Psalmi titulo, & argumento, Sæct. 5. §. 3. ad v. 24. Ut enim signanter S. Maximus Taurinensis serm. de Laud. B. Mariæ, *Hæc, quæ fuit caeleste templum, condecenter & congruè nullâ maculâ originali contaminata est.* Ecce quâ illæ voces aquarum multarum, & ea Prædicatorum sapientia, tamquam inundatio, potissimum spectent. Nempe ut Mariam immunem prædicent ab originali delicto, domum Dei, ac caeleste templum, cui omnis militat sanctitas. munditia, puritas; imò *sacra testimonia multa credibilia nimis*, id est, digna creditu, fidelia, fixa, & firma mirum in modum; quibus obarmantur Virginæ immunitatis sapientissimi propugnatores, quales Jesuitæ.

S. Maxi.

APPENDIX

Pro Religiosis aliis Clericorum familiis.

1941 **D**laudandi hîc erant, suisque formandi coloribus, pro modulo nostro, & erga omnes studio, alij Religiosi Clericorum Ordines, apprimè sancti, apprimè sapientes; nempe Theatinorum, Bernabitarum, Somascorum, & Minorum Clericorum. Scio, & probè scio, à singulis hisce Familiis, multam sumptuosamque suppeditari elogiorum materiam; sed cum non benè percalluerim proprium uniuscujusque institutum, & specialia merita, satius judicavi, linguato silentio laudationes premere, memor illius decantatissimæ Philonis sententiæ, *Vera bona ex seipsis naturaliter vocem mittunt, etiamsi sileant; nam nec Sol, nec Luna opus habent interprete, qui nos doceat, ab altero interdum, ab altera nocte Mundum univèrsam illustrari; sed ipsi suo splendore fident, vel absque teste, faciunt oculis.* Scilicet laude digni non indigent laudantium vocibus, sed intuentium oculis, etsi multis nominibus laudabiles sint. Sacramento non vacat quod Moyses observavit Genesis primo, verlu quarto, *Vidit Deus lucem quòd esset bona.* Quasi non Dei lingua, sed oculos habuerit laudatores; ut enim Ambrosius advertit libro primo Hexam. capite nono, *Plus est quod probatur aspectu, quam quod sermone laudatur. Suo enim utitur testimonio, non* P. Ildeph. de Flor. in Eccles.

Philo de Sacrificio Abel.

Gen. 1. 4.

S. Amb.

alieno suffragio. Religiosæ illæ Clericorum Familix quasi fulgentissima Ecclesiæ luminaria sunt, & venustissima lux, quibus tota præsertim Italia, non avarâ fulgorum largitate, summo pe-re illuminatur. O utinam similiter Hispania nostra, & universus terrarum Orbis! nam sic exaggeratiùs spectatorum visu & adnutu prædicarentur. Nihilominus tamen lubentissimè Panegyristam illarum agerem, si debitâ imbuerer notitiâ: incientiæ culpa sit, non affectus, qui nullum Religiosorum cætum illaudatum vellet omittere, eos vel maximè, qui nostro Jesu Sodalitio, & habitu ipso, & instituto, tantopere sunt affines, nec non impensè addicti.

1942 Unde putaverim, in has omnes Clericorum Familias verissimè, & bellissimè cadere, quæ de exaltatione Christi, ac Deiparæ gloriosissima in nostra Societate speciatim expendimus ad illud: *Quasi Platanus exaltata sum, educata, nutrita, evecta juxta aquas in plateis.* Variè enim Jesu & Mariæ gloria exaltatur, educatur, nutritur, atque evchitur in illis, & per illas, juxta singula illarum instituta, & studia, quorum nullum non in Marianam potissimum immunitatem flagrantissimum, dilaudatissimumque. Sic omnes ejusdem sententiæ sunt, idem omninò prædicantes, docentes, atque scribentes; dum eximias Virginis prærogativas enumerant, evulgant, & in omnium animis altè imprimere contendunt. Quò refert illa Deiparæ verba apud Salomonem Cantic. primo, vers. decimo sexto. *Lectulus noster floridus.* De lectulo loquitur, non Christi tantum, sed suimetipsius requiete securissima, jucundissimaque. *Manet enim Christus in eo, qui diligit eum; sed qui diligit Filium, diligit Matrem, & ita uterque manet in eo, qui diligit alterum,* ut verbis utar Hailgrini in locum. Sed quidnam florido lectulo portendatur, scire operæpretium est. *Claustra existimo esse* (ait Bernardus sermone quadragesimo sexto,) *& Monasteria, in quibus quietè à curâ vivitur sæculi.* Similiter Honorius Augustodunensis. Hunc suum commendat lectulum Virgo; hanc sibi, Filioque suo quietem amat in floribus gratissimam; floribus, inquam, gratiarum, virtutumque omnigenis, quibus vernant Religiosorum habitacula, eximiam undique aspirantia suavitatem ad quietem, & exaltationem Christi ac Deiparæ gloriosissimam. Unde Chaldæi translatio verbis consonans Ecclesiastici proximè datis: *In tempore, quo tu habitas in lectulo nostro dilecto, filij nostri multi sunt super terram, & crescimus, & multiplicamur sicut arbor, quæ plantata est juxta fontem aquarum* (Platanum videtur indigitare,) *cujus folium pulchrum est, & fructus ejus multus.*

Cent. 1. 16.

Hailgrin.

S. Bern.

Chald.

1943 Dum de numerosa Religiosorum clericorum prole in florido Monasteriorum lectulo habita gloriatur Magna Dei Mater, id profectò in magnum Christi sui, suisque ipsius cedere incrementum, piè jactabunda profitetur: atque eodem modo se, suamque Filium crescere, & multiplicari in hisce Religiosis Ordinibus ostendit, quo Platanus crescit & multiplicatur juxta fontes aquarum: aquæ enim sanctimonix & doctrinæ limpidiissimæ eò utique spectant, ut limpidiior Jesu & Mariæ gloria apud omnes nutriatur, educatur, evchatur. *Surrexerunt filij, & beatissimam prædicaverunt.* Prov. 31. 28. Cum aliis veritas ex Hebræo: *Creverunt filij, & beatificaverunt, aut ditaverunt illam, vel passivè, beatificati, ditati sunt.* Quasi

Prov. 31.

T r 3

mutua